

KJKP "RAD" d.o.o. SARAJEVO, Paromlinska 57. (u daljem tekstu: "Kupac"), koga zastupa v.d. direktor Mirsad Hošić, dipl. ing. maš.

Broj rješenja: UF/I-889/01  
Porezni broj: 01700105  
Identifikacioni PDV broj: 200316890001  
Transakcijski račun broj: 338-900-22080776-49  
UniCredit banka d.d. Sarajevo

i

"WINTEC" d.o.o. Sarajevo, Blagovac I do 116 (u daljem tekstu: "Prodavac), koga zastupa direktor Hidajet Mešković,

Broj rješenja: 065-0-Reg-15-003171  
Identifikacioni PDV broj: 201997170008  
Transakcijski račun broj: 161-000-0118210031  
Raiffaisen bank dd Sarajevo

zaključili su

## U G O V O R

o nabavci rezervnih dijelova za vozilo „Glutton“

### PREDMET UGOVORA

#### Član 1.

Predmet ovog Ugovora je nabavka rezervnih dijelova za vozilo „Glutton“, prema ponudi broj 18/20 od 06.07.2020. godine, prema Odluci o rezultatima okončanog postupka javne nabavke 05-03-04-11631/20 od 16.07.2020. godine donesene po Obavještenju o nabavci broj 83-7-1-305-3-95/20 od 23.06.2020. godine.

#### Član 2.

Kupoprodaja robe iz prethodnog člana vršit će se narudžbenicom. Porudžbenica treba da sadrži asortiman, količinu, klasu, rokove isporuke, puni naziv i adresu sjedišta, identifikacioni broj, sjedište institucije i broj upisa u registar, naziv banke i broj računa.

### CIJENA

#### Član 3.

Cijena rezervnih dijelova je fiksna i nepromjenljiva. Fakturisanje robe vrši se po važećem cjenovniku Prodavca iskazanom u specifikaciji ponude broj 18/20 od 06.07.2020. godine koja čini sastavni dio Ugovora. Očekivana godišnja vrijednost Ugovora iznosi 3.054,55 KM bez uračunatog PDV-a.

### GARANCIJE

#### Član 4.

Prodavac je obavezan dostaviti garanciju za dobro izvršenje posla u iznosu od 10% od vrijednosti ugovora. Rok za dostavljanje garancije je 10 dana od dana potpisivanja Ugovora.

### ROK ISPORUKE

#### Član 5.

Rok isporuke rezervnih dijelova iz člana 1. Ugovora je maksimalno 10 dana, fco skladište Kupca. Kupac ovlašćuje Prodavca da robu šalje dogovorenim transportnim sredstvima.

#### Član 6.

Obaveza plaćanja nastaje danom fakturisanja od strane Prodavca.

## NAČIN PLAĆANJA

### Član 7.

Prodavac izdaje fakturu čiji je prilog otpremnica potpisana od strane ovlaštenog predstavnika Prodavca i Kupca.

Plaćanje se vrši u roku od 60 dana, od dana isporuke robe, na transakcijski račun Prodavca.

## KVANTITATIVNI I KVALITATIVNI PRIJEM I REKLAMACIJA

### Član 8.

Kvantitativni prijem roba Kupac vrši prilikom preuzimanja istih, u svom skladištu.

Reklamacije na vrstu robe, Kupac će dostaviti u obliku Komisijskog zapisnika o prijemu robe, u roku od 5 (pet) dana, od dana prijema robe.

Prodavac je dužan da po prijemu zapisnika neodgovarajućih roba, iste povuče od Kupca.

Reklamaciju na kvalitet Kupac će dostaviti u roku od 5 (pet) dana o saznanju da roba ne odgovara kvalitetu. U tom slučaju Kupac i Prodavac će sačiniti zajednički zapisnik o kakvim nedostacima se radi i predložiti način otklanjanja.

### Član 9.

Prodavac se obavezuje da će isporučivati samo originalne rezervne dijelove sa kataloškim brojevima proizvođača motornih vozila i mehanizacije ili proizvođača rezervnih dijelova za prvu ugradnju koji su homologirani sa uporednim kataloškim brojem originalnog RD-a.

### Član 10.

Prodavac se obavezuje da će obezbjediti garanciju za isporučene rezervne dijelove u trajanju od 12 mjeseci te da će dostaviti katalog za rezervne dijelove za vozilo Glutton.

## IZMJENE I DOPUNE

### Član 11.

Izmjene i dopune ovog ugovora mogu se vršiti samo pismenim putem. Naknadni aneksi i protokoli mogu mjenjati ili dopunjavati ovaj ugovor pod uslovom da su ga potpisali ovlašteni predstavnici ugovorenih strana.

## SPOROVI

### Član 12.

Eventualne sporove koji bi mogli nastati iz ovog ugovora, Ugovorene strane će pokušati da riješe sporazumno.

Ukoliko ugovorene strane ne postignu sporazumno rješenje, za nastale sporove nadležan je sud u Sarajevu.

## RASKID UGOVORA

### Član 13.

Otkaz ovog Ugovora daje se preporučenim pismom, a ugovor se može raskinuti sa otkaznim rokom od 30 dana. U slučaju raskida ugovora, ugovorne strane će izmiriti sve svoje obaveze nastale do dana raskida Ugovora.

Ukoliko dođe do raskida ugovora prije isteka njegovog važenja iz člana 13. Ugovorni organ će aktivirati bankarsku garanciju na iznos naveden u članu 4. ovog Ugovora.

Član 14.

Sastavni dio ovog Ugovora je Ponuda broj 18/20 od 06.07.2020. godine.

Član 15.

Ovaj Ugovor stupa na snagu kada ga potpišu obje ugovorne strane i traje do 27.07.2021. godine ili do datuma izvršenja obaveza koje su predmet Ugovora.

ANTIKORUPCIONA KLAUZULA

Član 16.

(1) Ugovorne stranke se izričito obavezuju da će se u izvršavanju poslova po ovom ugovoru izričito suzdržati od bilo kakvih radnji koje bi imale znakove koruptivnog postupanja.

(2) Ugovorne strane se obavezuju da neće dati, obećati ili prihvatiti bilo kakav poklon ili isplatu u novcu ili nekom drugom vrijednom predmetu, posredno ili neposredno jedna drugoj, putem bilo kog službenika ili drugog zaposlenog u jednoj od ugovornih stranaka ili drugom preduzeću (službi, odeljenju, agenciji), odnosno bilo kog lica sa svrhom podmićivanja da bi tako naveli nekog službenika ili drugog zaposlenog ili stranku na zloupotrebu svog položaja tako da bi time stekao, zadržao ili usmjerio poslove ka naručiocu, zastupniku, distributeru, preduzeću ili drugom povezanom preduzeću.

(3) U slučaju izvršenja ili pokušaja izvršenja radnje iz prethodnog pasusa, već sklopljeni ili važeći ugovor je ništavan, a ako ugovor još nije važeći, računa se da ugovor nije ni bio sklopljen.

ZAVRŠNE ODREDBE

Član 17.

Ugovor je sačinjen u šest (6) istovjetnih primjerka, 4 (četiri) za Kupca, a 2 (dva) za Prodavca.

**ZA "WINTEC" doo**  
**Direktor**

*Hidajet Mešković*

**ZA KJKP "RAD" doo**  
**v.d. Direktor**

*Mirsad Hošić, dipl. ing. maš.*

**Broj: 05-03-04- /20**  
**Datum: 27.07.2020. godine**